

周
易
訂
疑

周易訂疑卷之十四

樂陵董養性邁公輯著

弟養中建公較正

傳

吳氏曰說卦者○備載卦位卦德卦象之說○蓋自昔有其說○而夫子筆削之○以為傳耳○首章次章則夫子總論作易大意○以為說卦傳之發端也○

雙湖胡氏曰說卦首論幽贊神明而生蓍立卦次及伏羲文王卦位不同次論八卦之象甚備其象多是夫子所自取不盡同于先聖漢儒以來千五百餘年未能勘破此義以為夫子只是

隱括先聖所取之象求之于經又不同是以言象者多牽合附會而不得其說

訂疑此傳皆言先天後天之卦及象絕不及繫辭之事故不名繫辭傳而別名說卦傳也除首章首二節言立著之由餘皆言卦也總之皆言順性命之理

昔者聖人之作易也幽贊于神明而生著

本義幽贊神明猶言贊化育云云問生著本義引龜策傳云云其謂生字似當與下面立卦生字同例看生著猶言立著耳朱子曰卦爻是人所畫著是天地所生不可作一例

說○兼○以○立○著○而○用○之○為○生○著○亦○不○成○文○理○
訂○疑○或○問○之○說○自○確○前○後○先○儒○皆○如○此○朱○子○緣○何○不○從○
誠○齋○楊○氏○曰○天○地○生○著○之○靈○也○固○可○以○揲○而○成○卦○衍○而○為○數○不
有○聖○人○幽○贊○于○神○明○則○混○同○于○區○宇○之○間○與○凡○草○木○俱○腐○耳○神
明○之○道○何○自○而○通○乎○
蘓○子○瞻○曰○介○紹○以○傳○命○謂○之○贊○天○地○鬼○神○不○能○與○人○接○也○故○以○
蓍○龜○為○之○介○紹○
括○蒼○龔○氏○曰○幽○贊○者○顯○相○之○反○也○賓○主○之○意○贊○者○通○之○神○明○之
德○聖○人○通○之○

俞玉吾曰○確○當○真○提○幽贊即佑神之謂

訂疑以上諸說皆與或問之說同吳草廬蘇紫溪楊止庵李維
寧顧懋樊皆同予亦斷而從之孔疏亦如此說但以幽贊為深
明則不可用也

陸德明曰說文云著蒿屬生千歲三百莖易以為數天子九尺
諸侯七尺大夫五尺士三尺毛詩草木疏云似藟蒿青色科生
訂疑千歲一生是人世不可得之物也世之用著者多矣焉所
○誰○為○一○記○取千歲之著而用之此无稽之談也天子九尺云云夫著以利
○折○倚○例○用若九尺七尺何以握而操之手大抵俗儒不達事理好為穿

鑿附會如此

子路問于孔子曰、猪肩羊腍、可以得兆、荏葦蒿芒、可以得數、何必以蓍龜、孔子曰、蓋取其名也、蓍之為言耆也、龜之為言偁也、明狐疑之事、當問耆偁也、訂疑此亦附會之說、猶勝說文

參天兩地而倚數

註參奇也、兩耦也、七九陽數、六八陰數、○疏用蓍求卦、其操蓍所得、取奇數于天、耦數于地、而立七八九六之數、故曰參天兩地而倚數也、何以參兩為目、奇耦者、蓋古之奇偶、亦以參兩言之、且以兩是耦數之始、三是奇數之初、故也不以一目奇者、張

至云以三中含兩有一以包兩之義。明天有包地之德。陽有包陰之道。故天舉其多地舉其少也。

訂疑筭家之法一歸不須歸其法故不立萬一為數之祖。故筭家除一不用十為數之成亦不用即五亦生數之成。筭家本亦用不着。但以其既在自二至九之中不令隔去故須連五算之。其實亦不重用也。今作易者除一二三四為四象之位用六七八九為四象之數皆除五與十也。

本義天圖地方云：

訂疑此節當與大衍之數章本義參看。大衍之數五十取于河

圖中○字○天五乘地十而得之○分二取于象○兩掛一取于象○三揲
四取于象○四時歸奇取于象○閏乾坤之策取于當替之日○二篇
之策取于當萬物之數○一卦十八變共七十二營取于象七十
二候六十四卦共一千一百五十二變四千六百八營取于象
天下之能事○至于揲蓍者○以九為老陽○六為老陰○七為少陽○八
為少陰○此數何何而起○故又補此一句○見其取于天○員地方之
象也○本義于此極費周旋○就天地推出方員二字○又就方員推
出圖三○圖四二句○又就圖三○圖四推出三各一奇○四合二耦二
句○然後就三各一奇○四合二耦推出參天而為三○兩地而為二○

此所謂析理如牛毛繭絲者。然與上繫本義奇員圓三耦方圓
四三用其全四用其半之說不同者。彼是就樸蓍之策上合兩
四而為一耦。又就耦方圓四成其半而為二。則自策上起數也。
此是從未有策時。特地從天地起數。直曰參天兩地而倚數。則
自造化上起數也。此如近代梅花數。先有數後起卦為先天之
數。彼如梅花數。先有卦後起數為後天之數也。又此夫子之說
彼是朱子自為說。然皆有至理。並行不悖也。又穩不如朱子就
河圖四面太陽居一而連九。少陰居二而連八。少陽居三而連
七。太陰居四而連六之說。自然而然。不事推測。湊合而九之數

即太陽居一之餘八之數。即少陰居二之餘七之數。即少陽居三之餘六之數。即太陰居四之餘也。孔子心胸活。取之遠近而皆合。朱子學問實。句。要見下落。所以論規模。朱子不如孔子之濶大。論詳密。孔子不如朱子之平實。

朱子曰。參天兩地而倚數。此在樸蓍上說。○問參天兩地。舊說以為五生數中。天參地兩。不知是否。曰。此只是三天二地。不見參兩之意。○問以方員而言。參如天之員。徑一則以圓三而參之地。方徑一則以圓四而兩之。否。曰。然。訂疑或問舊說出蘇子瞻。

蒙引探著求卦之數起自天地云一三二之數既立于是舊策七八九六之數倚是而起矣云一參天兩地未是指著言倚改之數則是指著數矣

訂疑數皆倚此而起○次指天下○算法皆由參天兩地相乘而起○是天地方員之法○又數法之祖也○然後收繳向探著三變之末云○言聖人所制探著七八九六之數○實取于天地也○

蘇子瞻曰○天數五○地數五○其曰參兩何也○自一至五○天數三○地數二○明數之止于五也○自五以往○非數也○皆相因而成者也○俞玉吾曰○天地之正數○不過一○二○三○四○五而已○六○七○八○九○十○乃

其配也。

說統附辨河圖天地之數一三五為天數三積之而為九二四為地數兩積之而為六聖人本圖數制著數。

訂疑朱子啟蒙中亦用此說而此節小註則曰此是積數非倚數也。斷之確矣。蓋天地全數自一至十不合取其半而止而說統之辨云。又止有九六而无七八。故余寧取方員徑圍之說耳。

參○而○二○字○乃○聖○人○借○用○字○如○云○參○伍○爾○聖○人○借○用○字○極○多○如○參○伍○錯○綜○等○字○亦○豈○可○穿○鑿○以○求○合○乎○漢○書○律○曆○志○引○天○一○地○二○

至成變化而行鬼神也。云併終數為十九。易窮則變。故為閏法。參天九。兩地十。是為會數。參天數二十有五。兩地數三十。是為朔望之會。是漢儒看三兩字已作如是解矣。愚因以班氏解參兩字法解此句云。參天之一。為老陽之位。兩地之二。為少陰之位。參天之三。為少陽之位。兩地之四。為老陰之位。遂參天之九。為老陽之數。兩地之八。為少陰之數。參天之七。為少陽之數。兩地之六。為老陰之數。參天之五。兩地之十。為大衍五十之數。如不用參兩一二三四為四象之位。則專用參天之七九。兩地之六八。為四象之數。亦可。如本義只要求參兩二字有着落。却大

費周折○經數轉而始入本文○尚欠明白○此如越裳氏之語○歷重
譯而始通也○竊恐孔子立言○不當用深晦之語也○竊謂愚說似
不可易○

觀變于陰陽而立卦○發揮于剛柔而生爻○和順于道德而理于義○
窮理盡性以至于命○

或問○觀變于陰陽而立卦○是就揲蓍上觀否○朱子曰○恐只是就○
陰陽上觀○未說到揲蓍處○訂疑朱子此意已確矣

問既有卦則有爻矣○先言卦而後言爻○何也○曰○自作易言之○則
有爻而後有卦○此却似自後人觀聖人而言○方其立卦時○只見

是卦及細別之則有六爻。訂疑此上二條是必聖人作易說是正旨。

又曰、觀變于陰陽、且統說道有幾畫陰幾畫陽、成箇甚卦、發揮剛柔、却是就七八九六上說、初間做這卦時、未曉得是變與不變、及至發揮出剛柔了、方知這是老陰少陰、那是老陽少陽、訂疑節齋蔡氏從之、是就揲著上說。

蒙引此條似優、當從、但謂發揮剛柔時、方見是老陽少陽、老陰少陰、此恐是記者之誤、觀變立卦時、何者為老、何者為少、俱已詳了、故得老陽則畫箇○、得老陰則畫箇×、得少陽則畫箇一、

得少陰、則畫箇一、豈待發揮、方見得何者為老何者為少乎、的
是一時之言、有未甚計較者、然總是一則統觀其全體、看是何
卦、一則細觀其一節、看是何爻當動耳、訂疑蒙引此條駁小註
之誤是也、然亦是就揲著說

盧中庵曰、立卦生爻、在聖人作易上看、若作著數之變說、却是
用易了、朱子謂未說到著數處是也、訂疑此說是

訂疑若就揲著上說、即是用易之事了、下面和順于道德云、
不合、又忽然歸到聖人作易之極功上、文理亦不順也、又此傳
以說卦名篇止、重畫卦不重揲著上二節、先從著數起者、或是

偶見聖人制為著數。元非是順性命之理。故並言之耳。故一則
 曰幽贊于神明。一則曰參天兩地。蓋神明天地與陰陽剛柔莫
 非性命之理也。豈唯幽贊神明參天兩地是順性命之理。繫辭
 上篇所稱象兩象三象四時象閏當菴之日當萬物之數當天
 下之能事何非順性命之理。

天地人物莫不有陰陽剛柔之理。聖人仰觀俯察遠取近取見
 其如此。于是立八卦因而重之立六十四卦以象陰陽之變。此
 繫辭傳所謂聖人有以見天下之賾而擬諸其形容象其物宜
 又曰包犧氏仰則觀象于天云云。乾卦本義所謂伏羲仰觀俯

察云：至以成六十四卦序文云、六十四卦為其體也、又生之
久以發揮其剛柔之情、此乾彖傳所謂大明終始六位時成、文
言所謂六爻發揮、旁通情也、序文云、三百八十四爻互為其用
者也、然是卦久也、雖未有文辭而天地人物之理莫不具焉、此
邵子所云圖雖无文、吾終日言而未嘗離乎是、蓋天地萬物之
理盡在其中者也、故下文云、和順于道德而理于義、窮理盡性
以至于命、皆極言卦久之妙也、

本義和順從容云：或問和順于道德而理于義、是就聖人
說是就易上說、朱子曰、是說易、又問和順是聖人和順否、曰是

易如吉凶消長之道順而无逆是和順道德也。理于義則又極其細而言隨事各得其宜之謂也。和順道德如極高明理于義如道中庸。○或問窮理盡性以至于命曰此本是就易上說易上盡具許多道理直是窮得物理盡得人性到得那天命所以通書說易者性命之原此只言作易者如此後來不合將做學者事看。○又曰這一句本是說易之書如此後人說去學問上却是借來底。

訂疑小註或就易之書說或就作易者說二者亦微有辨上下繫中及說卦傳中有專贊易者如易與天地準章夫易廣矣大

矣。章易其至矣乎。章易有聖人之道四焉。章易之為書也不可
遠。章原始要終。章廣大悉備。章及說卦傳天地定位。章以下數
章是也。有歸功于作易聖人者。如聖人設卦觀象。章聖人有以
見天下之賾。章聖人以此洗心。章聖人立象以盡意。章八卦成
列。章乾坤其易之門。章當殷之末世。章夫乾天下之至健。章及
說卦傳首二章是也。究言之。易非聖人不能作。縱使贊易。究竟
亦是贊聖人。如此節有就學者言者。朱子小註已正之矣。但朱
子小註中或曰就易說。或曰就作易者說。是朱子亦未有定見
也。愚謂本義定就作易聖人說。方于本章首句相應。朱子答

何叔京曰。盡心知性知天。言學者造道之事。窮理盡性至命。言聖人作易之事。

朱子曰。上一句離合言之。下一句淺深言之也。

蒙引。道德者義之統體。義者道德之發用。乃離合言之也。至于萬物之宜。萬事之變。易有以覈之。窮理也。大而入倫。小而一物。易皆有以處之。盡性也。理與性皆天道也。易能窮之。盡之以合于天道之自然。至命也。理與性天道之散見。天命者理性之本原。

訂疑蒙引一條分別亦善。但其語有似涉于易辭者。如云有以

數之有以處之是也。要知此二句只宜就卦爻言其皆所以順性命之理。未可一語涉易辭也。說卦傳例止言卦不言辭。卽著數亦是帶言之。此凡例大體也。學者不可不知。

又作易之聖人得易簡之理。兼知仁之道。洗心藏密。吉凶同患。明于天之道。察于民之故。與天地合其德。日月合其明。四時合其序。鬼神合其吉凶。為道為德為義。皆會于一心矣。仰觀俯察。遠取近取。有以見天下之賾之動。說諸心。研諸慮。曰。性曰。命。會于一心矣。所謂體具是德。而无一塵之累也。所謂六十四卦為其體。三百八十四爻互為其用也。故其生著倚數立卦生。

久○无○非○和○順○于○道○德○而○理○于○義○窮○理○盡○性○以○至○于○命○者○分○言○之○
曰○道○曰○德○曰○義○曰○理○曰○性○曰○命○合○言○之○一○性○命○之○理○而○已○其○在○
于○著○則○繫○辭○傳○所○言○在○天○成○象○在○地○成○形○變○化○見○矣○極○數○知○來○
之○謂○占○變○通○配○四○時○分○二○以○象○而○掛○一○以○象○三○揲○之○以○四○以○象○
四○時○歸○奇○以○象○閏○乾○坤○之○策○以○當○蓍○之○日○二○篇○之○策○當○萬○物○之○
數○四○營○成○易○十○八○變○成○卦○凡○一○千○一○百○五○十○二○變○四○千○六○百○八○
營○以○當○天○下○之○能○事○可○以○顯○道○神○德○行○酢○醢○佑○神○受○命○如○响○遂○
知○來○物○通○變○而○成○天○地○之○文○極○數○而○定○天○下○之○象○寂○然○不○動○感○
而○遂○通○天○下○之○故○其○德○圓○而○神○探○賈○索○隱○鉤○深○致○遠○以○定○吉○凶○

而成壹。及說卦傳所云。幽贊神明。参天兩地。皆所以和順于道德。而理于義。窮理盡性。以至于命也。其在卦爻。則繫辭傳所云。天尊地卑。乾坤定矣。動靜有常。剛柔斷矣。乾道成男。坤道成女。云。列貴賤者存乎位。齊小大者存乎卦。成象之謂乾。效法之謂坤。廣大配天地。陰陽之義配日月。易簡之善配至德。見天下之賾。而擬諸其形容。象其物宜。以制器者。尚其象。卦之德。方以知六爻之義。易以貢。太極生兩儀。兩儀生四象。四象生八卦。立象以盡意。設卦以盡情。偽。乾確然示人易。坤隤然示人簡。爻效此象。像此作八卦。以通神明之德。類萬物之情。陽一君而二

民○君○子○之○道○陰○二○君○而○一○民○小○人○之○道○稱○名○雜○而○不○越○稱○名○小○而○取○類○大○廣○大○悉○備○有○天○道○地○道○人○道○及○說○卦○傳○所○列○十○一○章○皆○所○以○和○順○于○道○德○而○理○于○義○窮○理○盡○性○以○至○于○命○也○愚○因○諸○儒○于○此○章○其○說○紛○々○本○義○无○明○說○小○註○无○定○解○故○特○詳○列○之○如○此○

右第一章

昔者聖人之作易也將以順性命之理是以立天之道曰陰與陽立地之道曰柔與剛立人之道曰仁與義兼三才而兩之故易六畫而成卦分陰分陽迭用柔剛故易六位而成章

程子曰立天之道曰陰與陽立地之道曰柔與剛立人之道曰
仁與義兼三才而兩之而不兩則无用

本義兼三才而兩之總言六畫云

訂疑自朱子本義以後皆以兼三才而兩之分陰分陽迭用柔
剛屬易獨程子則斷兼三才而兩之句屬上三句確不可易矣
則分陰分陽迭用柔剛斷屬三才之道可知又細分之則陰陽
本義云上非也當云六畫而成卦總言之也又細分之則陰陽
之位間雜而成文章也

問將以順性命之理而下言立天之道云乃繼之以兼三才

而兩之。此恐是言聖人作易之由。如觀鳥獸之文。與地之宜。始作八卦。相似。蓋聖人見得三才之理。只是陰陽剛柔仁義。故為兩儀四象八卦。也是這道理。六畫而成卦。也是這道理。不知如何。朱子曰。聖人見得天下只是這箇物事。故作易。只是模寫出這箇。問模寫出來。便所謂性命之理。便是陰陽剛柔仁義否。曰。是。

訂疑將以順性命之理。此即上章末二句之意。言聖人作易畫卦。非止為卜筮之用。將以順性命之理。如下文及後九章所云也。其關於性命之學如是。是以孔子假年以學之。至于韋編三

絕而作十翼以發明贊美之也。周子曰：大哉易也！其性命之原，
乎邵子曰：圖雖无文，吾終日言之而未嘗離乎是。天地萬物之
理盡在其中也。程子曰：遠在六合之外，近在一身之中，贊于瞬
息，微于動靜，莫不有卦之象焉，莫不有爻之義焉。其道至大，而
无不包，其用至神，而无不存也。○立天之道曰陰與陽，云云兼
三才而兩之，分陰分陽，迭用柔剛，此性命之理也。易六畫而成
卦，六位而成章，所以順性命之理也。蒙引兼猶總也。如朱子兩
其五行之例。李天開曰：此三才者，皆兼兩以成能，而不可缺一
焉。故易六畫而成卦，○分陰分陽，迭用柔剛，指三才之道言在

天○道○有○晝○夜○陰○晴○寒○暑○之○類○固○分○陰○分○陽○矣○在○地○道○有○南○北○高○
深○山○川○面○背○亦○分○剛○分○柔○也○在○人○道○有○賞○罰○嚴○慈○亦○分○仁○分○義○
也○在○地○道○高○下○相○因○墳○廬○雜○錯○固○迭○用○柔○剛○矣○在○天○道○四○時○錯○
行○日○月○代○明○雨○暘○時○若○亦○迭○用○陰○陽○也○在○人○道○威○愛○相○克○一○張○
一○弛○亦○迭○用○仁○義○也○不○言○分○柔○分○剛○分○仁○分○義○迭○用○陰○陽○仁○義○
者○省○文○也○亦○對○舉○之○互○文○也○凡○此○皆○性○命○之○理○也○易○之○六○位○則○
分○初○三○五○為○陽○二○四○上○為○陰○此○順○分○陰○分○陽○之○理○也○初○剛○間○以○
二○柔○三○剛○間○以○四○柔○五○剛○間○以○上○柔○一○剛○一○柔○迭○相○間○雜○此○順○
迭○用○柔○剛○之○理○也○考○工○記○曰○赤○白○相○次○謂○之○章○卦○之○六○位○柔○剛○

相間○猶設色者赤白相次也○觀其曰六位不曰六爻○則指初二三四五上之虛位而言○可知本義陰陽之位間雜而成文章亦分明○建安丘氏說分陰分陽○則是其說迭用柔剛○則非也○迭用柔剛在六位上○說不可就九六言也○有陰有陽乃成天道○有柔有剛乃成地道○有仁有義乃成人道○陰與陽柔與剛仁與義兩者缺一不可○必兼三才而兩之○此性命之理也○故聖人作易三畫已具三才○又必再倍其畫○以為六畫而後成卦○六畫之內不減一畫○六畫之外不增一畫者○所以順兼三才而兩之○三理也○分陰分陽迭用柔剛○以天道地道對舉之互文也○不言人道

者省文也。此性命之理也。聖人作易分初三五為陽位分二四上為陰位。又初剛間以二柔三剛間以四柔五剛間以上柔猶繪事既分赤分白又迭用赤白二色相間而成章。此順三才之道分陰分陽迭用柔剛之理也。蒙引此章若虛心以本文求之則兼三才而兩之與分陰分陽迭用柔剛皆承上文三才之道而言即性命之理也。其故易六畫而成卦故易六位而成章露出易字方是就易說即順性命之理也。訂疑此說極是何疑之有。

右第二章

訂疑此章以卦畫文位明順性命之理首句乃說卦傳一篇之綱領其下九章乃其條目也

天地定位山澤通氣雷風相薄水火不相射八卦相錯

本義邵子曰此伏羲八卦之位云

朱子答袁侍郎云自初未有畫時說到六畫滿處者邵子所謂先天之學也卦成之後各因一義推說邵子所謂後天之學也訂疑出經緯文衡前集四卷

朱子答袁侍郎曰據邵子說先天者伏羲所畫之易也後天者文王所演之易也伏羲之易初无文字只是一圖以寓其象數

周易訂疑

卷十四 說卦

十六

正誼堂

而天地萬物之理、陰陽始終之變、具焉。文王之易、即今之周易。而孔子為作傳者是也。孔子既因文王之易以作傳、則其所論、固當專以文王之易為主。然不推本伏羲作易畫卦之由、則學者必將誤認文王所演之易、便為伏羲所畫之易、只從中半說起、不識向上根源矣。故十翼之中、如八卦成列、因而重之、太極兩儀四象八卦、天地山澤雷風水火之類、皆本伏羲畫卦之意。而今新書原卦畫一篇、亦分兩義、伏羲在前、文王在後。訂疑出文衡前集四卷。

訂疑本義謂為伏羲八卦之位則是。而其說則非也。八卦相錯

句尤非天地定位四句此性命之理也確八卦相錯此方是伏羲
八卦員圖所以順性命之理也天上地下故曰定位九州山勢
起于西北其尾散布于東南澤之原依山亦始于西北而其
委注于東南故曰山澤通氣雷發于春涼風生于秋而風雷之
勢恒相薄激故曰雷風相薄日出于東月生于西日為真火故
古以陽燧取火于日月為水之母故海之潮汐隨月之盈虧為
大小隨月之出沒為早晚古又以方諸取明水于月而水火相
息冰炭不同器故曰水火不相射此皆性命之理也確而先天圖
圖乾南坤北艮居西北兌居東南震居東北巽居西南離東坎

西而相對待是八卦相錯所以順性命之理也繫辭傳所云伏羲仰觀俯察始作八卦以通神明之德以類萬物之情此其大者也只宜說八卦不可云八卦相交為六十四卦也六十四卦圖圖內八卦則相錯如故外八卦則于相錯說不去矣

路史發揮天地定位山澤通氣雷風相薄水火不相射此小成之易也自註曰本乎陽者升而上本乎陰者降而下乾純陽天也故正位乎南坤純陰地也故正位乎北日生乎東故離正乎東月生乎西故坎正乎西今之上經首乾坤而尾坎離取四正之卦也艮為山兌為澤地勢高于西北故艮位之四瀆奏于東

南○故○兌○處○之○雷○出○于○地○故○附○坤○之○東○北○風○薄○于○天○故○附○乾○之○西○
南○訂○疑○不○如○引○月○令○仲○春○雷○始○發○聲○孟○秋○涼○風○生○為○証○今○之○下○
經○以○震○巽○艮○兌○為○首○取○四○維○之○卦○也○以○八○卦○相○錯○為○小○成○之○易○
勝○本○義○玩○自○註○中○數○故○字○亦○是○以○上○四○句○為○性○命○之○理○八○卦○相○
錯○一○句○為○順○性○命○之○理○也○

武○夷○熊○氏○禾○啓○蒙○通○釋○曰○先○天○方○位○對○待○之○體○也○天○上○地○下○日○
東○月○西○三○鎮○西○北○澤○注○東○南○風○起○西○南○雷○震○東○北○質○之○一○定○而○
不○可○易○者○也○訂○疑○此○亦○以○小○成○八○卦○卦○象○之○對○待○為○相○錯○亦○不○
及○六○十○四○卦○與○卦○氣○也○

訂疑邵子不知天地定位四句是先言性命之理○畫前之易八卦相錯一句是易之所以順性命之理○而誤以交相錯而成六十四卦解之○朱子本義從之○非也○數往者順○知來者逆○是故易逆數也○

邵子曰○數往者順○若順天而行○是左旋也○皆已生之卦也○故云數往也○知來者逆○若逆天而行○是右行也○皆未生之卦也○故云知來也○夫易之數○由逆而成矣○此一節直解圖意○若逆知四時之謂也○

本義起震而歷離兌○以至于乾云○朱子曰○以橫圖觀之○有

乾一而後有兌二、有兌二而後有離三、有離三而後有震四、有震四而巽五、坎六、艮七、坤八，亦以次而生焉。此易之所以成也。而圓圖之左方，自震之初為冬至，離兌之中為春分，以至于乾之末而交夏至焉，皆進而得其已生之卦，猶自今日而追數昨日也。故曰數往者順，其右方自巽之初為夏至，坎艮之中為秋分，以至于坤之末而交冬至焉，皆進而得其未生之卦，猶自今日而逆計來日也。故曰知來者逆。然本易之所以成，則其先後始終如橫圖及圓圖右方之序而已。故曰易逆數也。若元乾一橫排至坤八，此則全是自然，故說卦云：易逆數也。皆

自己生以得未生之卦。若如圖圖。則須如此。方見陰陽消長次第。震一陽、離兌二陽、乾三陽、巽一陰、坎艮二陰、坤三陰。雖似稍涉安排。訂疑此句對上全是自然句。然亦莫非自然之理。自冬至夏至為順。蓋與前逆數者相反。皆自未生而反得已生之卦。自夏至冬至為逆。蓋與前逆數者同。其左右與今天文說左右不同。蓋從中而分。其初若有左右之勢。爾自北而東為左。自南而西為右。當云震離一陽、兌二陽、巽坎一陰、艮二陰。不則云震一陽、兌二陽、巽一陰、兌二陰。

潛室陳氏曰。卦圖始生。只如橫圖。自乾一至坤八。六十四卦。皆

用一倍法而三生去雖未生出數可逆知故曰易逆數也若交一轉過而為圓圖却從中間數去不從乾一數而從震四數自震至乾皆是得其已生之卦卦本從乾生至震今却從震數至乾是數往也然既交乾後自巽至坤這一半是无生次序仍是未生之卦故言知來者逆謂正合圖本生法可逆數而知也玉齋胡氏曰邵子云易之數由逆而成若逆知四時之謂也此論橫圖之序自乾至坤皆未生之卦也所謂未生者自卦之未畫者推之如自春而推夏知春之後必為夏自夏而推秋知夏之後必為秋自秋而推冬知秋之後必為冬所謂若逆知四時

之謂者此也。邵子據經文解釋則先圓圖而後及于橫圖。朱子
釋邵子之說則先自橫圖而論者。誠以橫圖可以見卦畫之立
圓圖可以見卦氣之行。所謂圓圖者其實規橫圖而圓之耳。
朱子答葉求卿曰。先天圖須先將六十四卦畫作一橫圖。則震
巽復姤正在中間。先自震復而却行以至于乾。乃自巽姤而順
行以至于坤。便成圓圖。而春夏秋冬晦朔弦望晝夜昏旦皆有
次第。此作圖之大旨也。數往知來之說大抵以卦畫之已生者
為往。未生者為來。亦當先以橫圖觀之。而後其義可見。橫圖之
前一截。列于圓圖之左方者。乾一兌二離三震四。而運行之序。

則始于震。既有震矣。則乾兌離之已生者可見。由是自震之初。為冬至。離兌之中為春分。以至乾之末而交夏至焉。是皆進而得其已生之卦也。天道左旋。此四卦旋于方之左。若順天而行。所以數之者。豈不如今日追數昨日之順而易乎。橫圖之後一截。列于圓圖之右方者。巽五坎六艮七坤八。而運行之序。則始于巽。方其有巽。則坎艮坤之未生亦可見。由是自巽之初為夏至。坎艮之中為秋分。以至坤之末而交冬至焉。是皆進而得其未生之卦也。天道非右行。此四卦行于方之右。若逆天而行。所以知之者。豈不如今日逆計來日之難乎。要之數往知來之說。

以陰陽之節候次第觀之、皆自微而至著、以人之推測言之、亦因微而識著、何則、震巽本同居橫圖之中、今以橫圖中分而成圓圖、則震乃居圓圖之北、為陽之始、巽乃居圓圖之南、為陰之始、各相對望、而不復同處其中、此陰陽之順逆、自復姤而始、其勢已于微而判矣、況曰數曰知、皆是就人而言、亦皆是各據震巽地頭而論、以此求之、則往來順逆之旨、居然可見矣、若論其初、則易畫之所以成其先後始終、不過如橫圖之始乾終坤、及圓圖右方自巽至坤之序而已、是皆以逆而成也、故曰此一節直解圖意、若逆知四時之謂也、

訂疑傳文止論八卦此兼六十

四卦言之下做此

又曰。嘗因邵子子半之說推之。以卦分配節候。復為冬至子之
半。順屯益為小寒丑之初。震噬嗑隨為大寒丑之半。无妄明夷
為立春寅之初。賁既濟家人為雨水寅之半。豐離革為驚蟄卯
之初。同人臨為春風卯之半。損節中孚為清明辰之初。歸妹睽
兌為穀雨辰之半。履泰為立夏巳之初。大畜需小畜為小滿巳
之半。大壯大有夬為芒種午之初。至乾之末。交夏至午之半。此
三十二卦皆進而得夫震離兌乾已生之卦也。姤為夏至午之
半。大過鼎恒為小暑未之初。巽井蠱為大暑未之半。升訟為立

周易訂疑

卷十四 說卦

三

上直

秋申之初、困未濟解、為處暑申之半、渙坎蒙、為白露酉之初、師
遯為秋分酉之半、咸旅小過、為寒露戌之初、漸蹇艮、為霜降戌
之半、謙否、為立冬亥之初、萃晉豫、為小雪亥之半、觀比剝、為大
雪子之初、至坤之末、交冬至子之半焉、此三十二卦皆進而得
夫巽坎艮坤未生之卦也、二分二至四立、總為八節、每節各計
兩卦、如坤復為冬至、无妄明夷為立春、同人臨為春分之類、是
也、如十六氣、每氣各計三卦、如頤屯益為小寒、至觀比剝為大
雪之類、是也、八節計十六卦、十六氣計四十八卦、合之為六十
四卦、此以卦配氣者然也、

訂疑以卦配節氣。自西漢焦延壽以來。各有其說。而不同。朱子所推邵子之說。除乾坤復姤。當冬至夏至之候。為无可疑。其餘與本義所配十二月之卦。絕不合。此周謨所以謂為不可曉也。周謨問曰。先天卦氣相接。皆是左旋。蓋乾接以巽初。姤卦便是一陰生。坤接以震初。復卦便是一陽生。自復卦一陽生。十一月盡震四離三。一十六卦。然後得臨卦。十二月又盡兌二。凡八卦。然後得泰卦。正月又隔四卦得大壯。二月又隔大有一卦得夬。三月夬接乾。四月乾接姤。自姤卦一陰生。五月盡巽五坎六。一十六卦。然後得遯卦。六月又盡艮七。凡八卦。然後得否卦。七月

又隔四卦得觀八月。又隔比一卦得剝九月。剝接坤十月。坤接復。周而復始。循環无端。卦氣左旋。而一歲十二月之卦。皆得其序。但陰陽初生。各歷十六卦。而後一月。又歷八卦。再得一月。至陰陽將極處。只歷四卦。為一月。又歷一卦。遂一併三卦相接。其初如此之疎。其末如此之密。此陰陽盈縮當然之理。與然此圖訂疑指邵子六十四卦圖。見皇極經世書。於復卦之下。書曰。冬至子中。于姤卦之下。書曰。夏至午中。此固无可疑者。獨于臨卦之下。書曰。春分卯中。則臨卦本為十二月之卦。而春分合在泰卦之下。于遯卦之下。書曰。秋分酉中。則遯卦本為六月之卦。

而秋分合在否卦之下。是固有不可曉者。朱子曰。伏羲易自是伏羲說話。文王易自是文王說話。固不可交互求合。所看先天卦氣盈縮。極子細。某亦嘗如此理會來。而未得其說。陰陽初生。其氣中固緩。然不應如此之疎。其後又却如此之密。大抵此圖布置。皆出乎自然。不應无說。當更思之。

王齋胡氏曰。前說以復為冬至。子半推之。凡二十四氣。在諸卦皆各有所屬。此朱子所謂伏羲說話也。周謨所問十二月卦氣不同。朱子所謂自是文王說話。不可交互求合也。又嘗曰。先天圖八卦各自為一節。不論月氣先後。斯言盡之矣。尚何疑之有。

但朱子謂卦氣盈縮不應无說。愚嘗反復思之。竊謂先即內八卦以推十二月之卦。獨坎離各八卦无與于月分者。坎第三畫陰在陽上。離第三畫陽在陰上。非陰陽之以次而生者。故不可當月分。若夫震巽陰陽之初生者也。一陽一陰在下。故各八卦當十一月與五月。艮兌陰陽之浸長者也。二陽二陰在下。故各八卦當十二月與六月。乾坤陰陽之極盛者也。三陽三陰之全。故乾八卦當正月至四月。坤八卦當七月至十月。陰陽之初生者宜緩矣。又以坎離間之。故不期疎而愈疎。其浸長者宜稍速矣。又踰于坎離之間。故視震巽為稍密。至于三陽之乾。陽氣方

出地上。溫厚之氣浸。用事故四陽盛之月。皆聚于乾。三陰之
坤。陰氣方入。秋初。嚴凝之氣浸。用事故四陰盛之月。皆聚于
坤。雖欲其疎。亦不可得也。此或可以見卦氣盈縮之由矣。
訂疑朱子謂伏羲文王各自說話。不可交互求合。此以解卦名
卦辭之不同者。則可。若十二辟卦。則伏羲文王亦无異也。王齋
胡氏謂以復為冬至。子半推之。凡二十四氣。在諸卦皆各有所
屬。為伏羲說話。周謨所問十二月卦氣不同。為文王說話。予亦
不敢謂然。今觀十二卦名辭。皆相蒙一意可知。○周謨疎密之
疑。朱子云。不應无說。胡氏云。只解得卦畫陰陽之疎密。其于

配節氣之遲速處則未之言也○愚以節氣觀之○寒不遽○暑不
此○說○待速○暑其初各以漸而至○至寒暑將極之時○則日甚一日而忽然
遂至于極焉○以日之長短觀之○亦然○至于月之盈虧遲速亦如
之○此陰符經所云天地之道浸也○又以人之壯衰百果草木之
生長凋落亦莫不然○所謂性命之理也○今六十四卦自復姤以
至于乾坤陰陽之生遲速疎密亦如之○所以順性命之理也○
又按往順來逆諸儒以節氣言之○固是○愚謂不止此也○曆家自
今上邇千百年以上○无不合者○以之下推後來則數年之後必
有小差○百年之後必有大差○亦往順來逆也○又如日者言人休

○答○往事多合○來事便多不應○亦往順來逆也○

潛室陳氏曰○易逆數也○有一便有二○有二便有四○有四便有八○有八便有十六○以至六十四○皆由此可以推彼○由今可以知來○故自乾一至于坤八○皆循序而生○一如橫圖之次○今欲以圓圖象渾天之形○若一依此序○則乾坤相並○寒暑不分○故伏羲取天地定位○山澤通氣○雷風相薄○水火不相射之義○以乾坤定上下之位○坎離列左右之門○艮兌震巽皆相對而立○蓋乾兌離震皆屬陽○巽坎艮坤皆屬陰○悉以陰陽相配○圖必從中起者○蓋萬事從心之義○卦必從復起者○蓋天開于子之義○訂疑此亦以天地

定位四句為性命之理以八卦相錯為順性命之

蒙引天地定位四句對待者也數往者順二句流行者也當先
言伏羲始畫八卦乾一兌二離三震四云云此是橫圖乃作易
之本原也為其无以象渾天之形陰陽消息之數故以此規為
圓圖取乾坤而南北之取兌艮而東南西北之云云訂疑與陳
氏家同

訂疑以上諸說俱是以卦配氣其實與天地定位云云文義不
蒙蓋天地定位四句自是天文地理之象其方位各有攸當此
伏羲所以通神明之德而類萬物之情者也孔子之大象傳與

彖傳中八卦象皆本于此而諸儒乃以卦氣當之又連合數往
者順三句為一意相承不知天地定位四句是性命之理八卦
相錯是易所以順性命之理此自是說伏羲圖自為一事與
下文原不相蒙也孔子之于易精矣其命意命辭一字之間
各有攸當如天地定位節果以卦氣言何不即以四立二分二
至明之乃假天地山澤等象以當四時分至乎竊謂卦象自是
卦象天地定位云是也卦氣自是卦氣雷以動之風以散之
云及帝出乎震云是也
雲峯胡氏曰諸儒訓釋此節皆謂已往而易見為順未來而前

知為逆易主于前民用故曰易逆數也

安公石易解曰天下之事數往者順知來者逆易為知來而作

故其數逆數也數往者因下句並舉之非謂易有往來之順逆

也訂疑楊用修稱其起請非唐宋諸儒所及

蒙引一說數往者順知來者逆二句本泛說以起易逆數也一

句而本義必如此解者就本圖而稽其實也又曰自四而三自

三而二自二而一何以謂之順蓋循其故迹之謂順推其未然

之謂逆不然以一二三四為順亦可也

訂疑蒙引于此亦不能無疑故為兩歧之說也其實胡氏所引

諸儒訓釋與易牖之說及蒙引所述或說皆確不可易矣而胡氏謂諸儒說不如邵朱之說而蒙引謂本義就本圖而稽其實也皆不能釋然于此者不知天地定位節當自為一章與下章方圖為類皆先天之易也數往者順三句又自為一章與上文不相屬也蓋繫辭說卦二傳其分章也出于漢唐諸儒註疏自程朱以前互有分合以天地定位節合數往者順節為一章此註疏所定而本義因之本義于註疏所定章次多有改正如雷以動之節舊與帝出乎震章為一章而本義分為二章是也愚謂此數往節亦當與上節分為二章也○數往者順二句諸儒

皆就圓圖說易逆數也。一句就橫圖說已詳上矣。愚謂果如諸儒說何不先言橫圖而先言圓圖也。凡自上而下為順自下而上為逆。凡讀書寫字皆自上而下。凡數物亦自上而下。獨易為自下而上。其畫卦也自下而上。再倍而三。又于八卦之上各加八卦。此逆數者一也。重卦註中先言乾下後言乾上。此逆數者二也。其繫爻辭也以下爻為初以上爻為末。此逆數者三也。揲蓍者以先得者為初畫為下卦後得者為上畫為上卦。此逆數者四也。後天八卦次序震得乾下畫為長男艮得乾上畫為少男。此逆數者五也。彖傳言卦德先下卦而後上卦。此逆數者

六也。卦變凡三爻變者二十卦。初爻變者為前十卦。二爻以上變者為後十卦。此逆數者七也。凡此七者。邵子所謂圖從中起也。其所以逆數者何也。天下事數往者常順。知來者常逆。此天理之自然。性命之理也。易是教人知來之書。故易逆數所以順性命之理也。

右第三章

雷以動之。風以散之。雨以潤之。日以暄之。艮以止之。兌以說之。乾以君之。坤以藏之。

本義此卦位相對與上章同。

訂疑相對雖同而圖有方圓之不同上章天地定位節言國圖也此節以八卦言之則為橫圖以六十四卦言之則為方圖也朱子曰雷以動之四句取象義多故以象言艮以止之以下四句取卦義多故以卦言

節齋蔡氏曰動則物萌散則物具二者言生物之功也潤則物滋恒則物舒二者言長物之功也止則物成說則物遂二者言收物之功也君則物有所歸藏則物有所息二者言藏物之功也此章與上章卦位相對同上章則言卦象自相為用此章則言八卦造物流行有生長收藏之用也

雲峯胡氏曰、自動至眚○物之出機○自止至藏○物之入機○

訂疑以上三說○順文解義○不言其為橫圖方圖○

邵子大易吟曰、天地定位○否泰反類○山澤通氣○咸損見義○雷風相薄○恒益起意○水火相射○既濟未濟○四象相交○成十六事○八卦相盪○為六十四○

朱子曰、此是說方圖中兩交股底、且如西北角乾○東南角坤○是天地定位○便對東北角泰○西南角否○次乾是兌○次坤是艮○便對次否之咸○次泰之損○後四卦亦如是○又曰、方圖自西北之東南○便是自乾以之坤○自東北之西南○便是由泰以之否○其間有咸○

恒損益既濟未濟所以又于此八卦見義蓋為是自兩交尖射上與乾坤相對不知怎生恁底巧

天台董氏曰愚因邵子大易吟欲以方圖作四層看其第一層四隅乾坤否泰四卦所謂天地定位否泰反類也然以周圖二十八卦觀之皆乾一坤八之卦此見天地定位之不可易也其第二層四隅兌艮咸損四卦所謂山澤通氣咸損見義也然以周圖二十卦橫直觀之亦皆兌二艮七之卦此見山澤通氣之象也其第三層四隅為坎離既濟未濟四卦所謂水火相射既濟未濟是也然以周圖十二卦橫直觀之亦皆離三坎六之卦

此足以見水火不相射之象也。其最裏一層為震巽恒益四卦。所謂風雷相薄。恒益起意。其象亦可見矣。

訂疑邵子大易吟。朱子董氏皆以為說方圖。而董氏所推尤為周密。然以愚意觀之。邵子本意似只解八卦相錯一句。朱子本義所云八卦相交為六十四卦也。若是正解方圖。則必先言天地定位。次言山澤通氣。次言水火不相射。然後言雷風相薄。為由外以進內之次序也。否則先言雷風相薄。次言水火相射。又次言山澤通氣。然後終之以天地定位。為自內推外之次序也。今皆不然。乃一如圓圖之位次而无異。以此知其為八卦相錯

之辭無疑。况未又明言四象相交。成十六事。八卦相盪。為六十
四。亦既自註其說矣。然朱子董氏其說方圖處。自好。
新安程氏曰。方圖西北與東南之交也。起于震巽。東北與西南
之交也。起于怕益。南北相直也。則起于怕震巽益。東西相直也。
則起于震益怕巽。是中起于風雷之動散也。
楚湖胡氏曰。雷以動之。風以散之。正居方圖中心。兩以潤之。日
以恒之。則坎次巽。離次震。艮以止之。兌以說之。則艮次坎。兌次
離。乾以君之。坤以藏之。則乾次兌。坤次艮。實由中而達于西北
東南。方圖亦從中起也。

訂疑邵子曰先天之學心法也。圖皆從中起。萬化萬事生于心也。朱子曰其中白處便是太極。三十二陰三十二陽便是兩儀。十六陰十六陽底便是四象。八陰八陽底便是八卦。愚謂朱子此段言圓圖之從中起。而未及方圖之從中起也。新安程氏雙湖胡氏就方圖說圖從中起處極好。而實本于天台董氏之說。天地生物之始。必先雷以動之。使之震動發生。故驚蟄而雷始發聲。又必有和風浩盪之以散其鬱積。故春月多風。此春時也。其既生也。必雨以潤之。日以煦之。物乃壯盛。此五六月間必大雨時行。日更燥烈也。物生既盛。必有以止之。而後收斂歸實。至

于生意各足。則物无不遂其性情。保合太和而說矣。此秋也。物
生既衆。必各有主。各有以藏之。此冬也。歲功生成之序如此。此
性命之理也。今先天橫圖。震巽居中。震為雷。巽為風。自中而起。
以達于外。是雷以動之。風以散之也。次坎六為水。為雨。次離三
為火。為日。是兩以潤之日。以烜之也。次艮七為止。兌二為說。首
乾為君。終坤為客。齋為藏。是易順性命之理也。此本章之正旨。
也。止言八卦未及六十四卦止。言橫圖未及方圖也。先言震
巽。次言離坎者。震離皆一陽之卦。巽坎皆一陰之卦也。又次言
艮兌者。兌二陽之卦。艮二陰之卦也。乾三陽。坤三陰。故以後六

子而觀其成功焉。亦陰陽消長之始終也。前章本義起震而歷
離兌以至於乾。自巽而歷坎艮以至於坤。此正圖從中起之義。
惜其不以解此章也。

以橫圖言之。固如上說。若以六十四卦方圖言之。猶見自中達
外。經緯從橫之妙。震四巽五二卦居中。自下而上。橫第四行內
卦皆震。自右而左。從第四行外卦皆震也。橫第五行內卦皆巽
從第五行外卦皆巽也。次震為離三橫第三行內卦皆離。從第
三行外卦皆離也。次巽為坎六橫第六行內卦皆坎。從第六行
外卦皆坎也。次離為兌二橫第二行內卦皆兌。從第二行外卦

皆兌也。次坎為艮。橫第七行。內卦皆艮。從第七行。外卦皆艮也。次兌為乾。一橫第一行。內卦皆乾。從第一行。外卦皆乾也。次艮為坤。八橫第八行。內卦皆坤。從第八行。外卦皆坤也。一從一橫由中而起。先震巽。次坎離。次兌艮。而終以乾坤。皆雷動風散。兩潤日恒。艮止兌說。乾君坤藏之義也。○以四隅斜側觀之。自西北隅至東南隅。乾一兌二離三震四巽五坎六艮七坤八。內外重卦。皆如其生出之序也。自東北隅至西南隅。泰內卦為乾一。損內卦為兌二。既濟內卦為離三。益內卦為震四。恒內卦為巽五。未濟內卦為坎六。咸內卦為艮七。否內卦為坤八。內卦一

如其生出之序也。自西南隅至東北隅。否外卦為乾一。咸外卦為兌二。未濟外卦為離三。恒外卦為震四。益外卦為巽五。既濟外卦為坎六。損外卦為艮七。泰外卦為坤八。是外卦一如其生出之序也。四隅斜側互從中起。莫不先震巽。次坎離。又次兌艮。而終乾坤。又焉往而非雷以動之。風以散之。云以藏之哉。然皆所以順性命之理也。

或問雷風雨日舉象而艮兌乾坤舉卦名者何也。曰此節本意原就造物生物之功說起。雷風雨日與歲功為功。山澤于止說為緩。天地于君藏為緩也。聖人文字不似後人拘拘也。神也者。

做此

右第四章

帝出乎震齊乎巽相見乎離致役乎坤說言乎兌戰乎乾勞乎坎
成言乎艮

本義帝者天之主宰云云。○朱子曰帝出乎震萬物發生便是
他主宰從這裏出齊乎巽曉不得離中虛明可以為南方之卦
坤安在西南不成西北方无地西北肅殺之地如何萬物之所
說乾西北也不可曉如何陰陽只來這裏相薄勞乎坎勞字去
聲似乎慰勞之意言萬物皆歸藏于此去安藏慰勞他○朱子

答兼傳卽曰乾以文王八卦之位在西北于十二卦之位
在東南坤以文王八卦之位在南于十二卦之位在西
北故今圖于列文王八卦于內而布十二卦于外以見
彼此位置不同然十二卦之說可曉而八卦之說難明
可曉者當推難明當缺訂疑或曰憂之易曰連山連
山首艮艮東北之卦寅之方也或曰連山作于神農
而夏用之見後天之卦位非文王所定矣西山蔡氏
亦云按六十四卦之名多取後天之卦如家人睽革
歸妹之卦取後天之卦象而命名隨蠱賁无妄損益
升之取卦變亦後天之易也○想伏羲畫卦只如今之
橫圖乾一兌二以至坤

八○此為先天之易○無疑矣○一變而為天地定位之圖○圖再變而為乾父坤母震長男巽長女坎中男離中女艮少男兌少女之卦位○三變而為帝出乎震齊乎巽之卦位○四變而有今豕傳中卦變之說○其例皆起于伏羲而各卦繫辭○隨所見而取之○先儒分某為伏羲先天之易○某為文王後天之易○愚以為不然○此章當先論後天之易○所以易置先天者何為○而原八卦方位之所以定○然後言出齊見復等字之所以相序之義○
隆山陳氏曰○離為日○大明生于東○故在先天居東○日正照于午○日中時也○故在後天居南○坎為月○月生于西○故在先天居西○月

正照于子○夜分時也○故在後天居北○在先天則居生之地○在後
天則居旺之地○不特坎離○後天卦位○皆以生旺為序○震木旺于
卯○兌金旺于酉○土旺中央○故坤旺金火之間○艮位水木之間○兌
陰金乾陽金○故乾次兌○居西北○震陽木巽陰木○故巽次震○居東
南○皆以五行生旺為序○此所謂易之用也○
平庵項氏曰○後天之序○播五行于四時也○震巽二木○王春故震
在東方○巽東南次之○離火王夏○故為南方之卦○兌乾二金○王秋
故兌為正秋○乾西北次之○坎水王冬○故為北方之卦○土王四季
故坤土在夏秋之交○為西南之間○艮土在冬春之交○為東北之

卦○

訂疑陳項二說○大畧亦好○然皆據成說而敷演之○而未探其所
以取象之義○變易之由也○

誠齋楊氏曰○由帝出于震○至成言乎艮○帝之所乘也○自萬物出
乎震○至成言乎艮○又萬物之所主也○帝乘之○萬物主之者○悉皆
由乎八卦也○聖人象八卦而為治○故南面而治○取諸離○離者陽
明之卦○萬物交相見之時○其象曰○大人以繼明照于四方○以之
垂拱○豈不宜哉○然聖人不獨取諸離○以為治○易舉其一○其他可
以類推矣○抑嘗觀之○帝與萬物所乘○皆八卦也○于帝獨言致役

乎坤而萬物言致養何也。蓋坤臣也。帝君也。君之于臣。役之而已。坤母也。萬物子也。母之于子。養之而已。至于他卦。不言戰而乾言戰。則乾西北之卦。九月十月之交。陰盛陽微之時。故不能无戰。何則。陰疑于陽。必戰。不然。則坤之上。亥十月之卦也。何以言龍戰于野。由此而觀。則言陰陽相薄。不為虛矣。進齋徐氏曰。坎離天地之大用也。得乾坤之中氣。故離火居南。坎水居北。也。震動也。物生之始也。故居東。兌說也。物成之後也。故居西。此四者各居正位也。震屬木。巽亦屬木。震陽木也。巽陰木也。故巽居東南。已之位也。兌屬金。乾亦屬金。兌陰金也。乾陽

金也。故乾居西北、亥之方也。坤艮皆土也。坤陰土、艮陽土也。坤居西南、艮居東北者。所以均王于四時也。此四者分居四隅也。後天八卦以震巽離坤兌乾坎艮為序者。震巽屬木。木生火。故離次之。火生土。故坤次之。坤土生金。故兌乾次之。金生水。故坎次之。水非土亦不能生木。故艮次之。水土又生木。木又生火。八卦之用五行之主。循環无窮。此所以為造化流行之序也。訂疑此章須取卦德卦象貼入後天卦位。安頓明白了。然後再講後天之序。

東方于時為春。于行為木。于德為仁。為動為發生。震之卦一陽

生于二陰之下。如木乘春氣。生于地中。故其德為動。其象為木。又陽氣為重陰所錮。其發也奮激為雷。震一陽抑于二陰之下。勢必決深奮迅而出。故其象又為雷。雷又發聲于春。故後天取震移前一位而位于東。○震一索得男。為長子。今世子稱東宮。亦取諸此。

東南者。春夏之交。木至此而極盛。將生火矣。春末多風。風最能入物。在五行中能入物莫如木。巽一陰伏于二陽之下。其性能巽以入。故其德為入。其象為風。為木。後天以巽移置東南者。蓋取諸此。○又風雷相隨而至。先天以其相對為相薄。故與震

對待于東北西南○後天以其常並行不悖○故以巽繼震而併位
相連也○巽以一索而得女○為長女○以配長子○則冢婦也○長子
代父繼體出治○長婦代姑佐長子之內治○敵體而同居也○
南方于時為夏○于行為火○于德為禮○離內暗而外明○有似于火○
故于德為明○其象為火○日為天之火○故又象為日○電亦火屬○故
又象為電○電至夏而盛多○日至南方而大明○火王于夏○故後天
以離置于南方○造化雷動風散之後○必有日以暉之○故離繼
震巽之後焉○

土寄王于四時之季○而土生于火○故夏季之土為尤王○又南方

之火與西方之金相克而不相能。宜以上之冲氣間之。則火生土。土生金。不唯不相刑。而且相生矣。坤為純陰象地。地者土之大也。故後天以坤居西南。

西方于時為秋。于行為金。萬物至此。生意各足。无所欠缺。其說可知。兌一陰見于二陽之上。喜見于外。有說之意。故其德為說。後天以兌居正秋之位。取萬物之所說意也。兌于金之象无所取。但能取悅意。而居正秋之位。故即以兌為金焉。乾做此西北者。秋冬之交也。陰盛之極。陰疑于陽必爭。然震離一陽之卦。陽氣尚穉。兌二陽。陽漸壯。亦非純陰之敵。此先天之震離兌。

周易訂疑

卷十四 說卦

元

正誼堂

雖為陽卦。不足勝之。即震坎艮為後天之陽卦。然陽卦多陰。亦不足勝之。唯三奇之卦。純陽至健。始足以克之。故後天置乾于西北。夏商之末。必得湯武。六國之後。必得漢高。王莽之後。必得光武。前五代之後。必得唐太宗。後五代之後。必得宋太祖。湯武可謂剛健中正。純陽至健之乾矣。若漢高以下數君。雖不及湯武。然在群雄之中。亦可謂天授。非人力矣。所以能埽盪群雄也。北方于時為冬。于行為水。坎之為卦。內陽明而外陰暗。有水之象。故其象為水。水王于冬。故後天坎居正北焉。

歲切至冬而成萬物生機至是而止矣艮一陽極于二陰之上
有止而不進之義故其德為止後天以艮居東北冬春之交窮
于上則生于下如環无端此艮之後又繼以震也皆所以順性
命之理也

後天卦位既定然後以帝之宰乎萬物者明其出入之機以後
天之卦亦所以順性命之理也

帝也者萬物之主宰猶萬民之有王也世子處于東宮繼世而
出治此出乎震也內而百工外而群后皆來肆覲此齊乎巽也
王者坐明堂端拱南面而覲群后此相見乎離也萬邦黎獻共

惟帝臣此致役乎坤也。坤衆也。萬國咸寧。莫不說服。此說言乎
兌也。說以先民。民忘其勞。說以犯難。民忘其死。故曰善人教民
七年。可以卽戎。此所以戰乎乾也。王者冬而大閱。以講武習戰。
亦戰乎乾之義也。一戰功成。振旅凱歸。勞將帥而休士卒。此勞
乎坎也。治定功成。休乎无爲。成言乎艮也。彼好大喜功。窮黷无
已。如秦皇漢武。隋煬者。皆不知成言乎艮之義者也。○出齊見
役說戰勞成等字。皆以王事明帝載也。天人之理。一而已。知王
道則知天道矣。○欲得卦位明白。須如前說。欲得出齊等字。明
白。須如此說。欲得帝出乎震云云。明白。須如下文萬物出乎震。

云也。

長子繼世。故曰出乎震。巽為后妃。齊乎巽。齊家之義也。由家以
及朝廷。故繼之以相見乎離。由朝廷以及國。故繼之以致役乎
坤。得其民有道。在得其心。故繼之以說言乎兌。說而後用其力。
故繼之以戰乎乾。戰勝而勞之。故繼之以勞乎坎。至是而功成
无為矣。故以成言乎艮。終焉。此後天八卦之小序卦傳也。與後
六十四卦序卦傳相對。

離為中女。兌為少女。澤火相息也。金火相克也。為睽為革。離間
之端。嫉妬之釁。生于此矣。非慈惠之姑。義方之母。誰調和之使

其无怨无惡乎此坤之所以介乎離兌也

兌為少女人所愛也故父母共護持之性說易流故父母共防閑之

坎水陰陷易為泥濘中央有土西北而乾其于地為剛東北而艮山以禦其奔衝焉為導河入龍門自雍而豫而冀乃東北至于碣石亦取諸此乎

艮少男也亢宗之子多出于季賈父三子伯仲讓而季歷造周焉叔虞武王之幼子也實啟晉國驪姬之難申生死惠公執重耳以霸無知之亂小白主齊祀焉魯桓三孽季氏最强芊姓有

故必季實立。劉太公之子三人。季興乎漢。四七之際。文叔中興。玄武之變。秦王踐祚。明初之興。太祖行三馬。后五子。燕王靖難。至于世祿之家。酸寒之子。以少子而發迹者。多有。成言乎艮。猶瓜瓞其大者在後也。

路史發揮曰。帝出乎震云。至成言乎艮。此連山之易也。註此大成之易也。乾坤定上下之位。坎離列左右之門。乾生于子。坤生于午。坎終于寅。離終于卯。應天之時。此誰之易邪。乾坤相交。萬物化生。然及成功。則男女以用事。而父母以退處。此天地之常理也。陽以順動。故乾順進。四位而處于西北。陰以逆行。故坤

逆退四位而處乎西南。離火生東而旺乎南。坎水生西而壯乎北。火炎上水潤下。故離自東而南。坎自西而北。雷以春分出地。故自東北歸于卯。澤以秋分始伏。故自東南反乎酉。長養萬物于春夏之交。者風也。故巽自西南而歸于巳。作止萬物于冬春之際者山也。故艮自西北而處乎寅。此應地之方而見于用者也。

路史國名記曰。文王之卦。乾父西北。坤母西南。中男近父。中女近母。少女介乎父母之間。而長男獨遠居父母之外。雖以成其德而多其能。是故一朝出震向離而天下治矣。

訂疑路史二段有奇特處

萬物出乎震震東方也齊乎巽巽東南也齊也者言萬物之潔齊也離也者明也萬物皆相見南方之卦也聖人南面而聽天下嚮明而治蓋取諸此也坤也者地也萬物皆致養焉故曰致役乎坤兌正秋也萬物之所說也故曰說言乎兌戰乎乾乾西北之卦也言陰陽相薄也坎者水也正北方之卦也勞卦也萬物之所歸也故曰勞乎坎艮東北之卦也萬物之所成終而所成始也故曰成言乎艮

本義上言帝此言萬物之隨帝以出入也

節齋蔡氏曰帝之出入不可見而萬物可見故又以物言焉又曰齊者畢達之謂

雲峯胡氏曰離明以德言八卦之德可推坤地坎水以象言八卦之象可推兌秋以時言八卦之時可推以互見也訂疑兌說亦以德言

蒙引八卦或言象或言德或言時震巽離乾坎艮言位坤兌不言位亦可推而見矣猶乾言為圓而坤不言為方之類所以互見○此以後天位言言位者多然位之所在皆氣化流行所寄之地也有其位必有其時而德與象亦在其中

訂疑致養二字楊誠齋說見上節兌說說字于乾文言本義云利者生物之遂于時為秋云云可見說意

右第五章

雙湖胡氏曰帝出乎震至成言乎艮八句疑是八卦圖圖之題目萬物出乎震以下皆是解說或如朱子論天一地二章未可知也

訂疑先天八卦及六十四卦橫圖圓圖方圖各有自然之次第可不用序後天卦參差雜越故八卦及六十四卦各為說以序之而又必尋出箇義理以發之以見先天後天无非以順性命

之理也

神也者妙萬物而為言者也動萬物者莫疾乎雷撓萬物者莫疾乎風燥萬物者莫熯乎火說萬物者莫說乎澤潤萬物者莫潤乎水終萬物始萬物者莫盛乎艮故水火相逮雷風不相悖山澤通氣然後能變化既成萬物也

註于此言八卦運動變化推移莫有使之然者神則无物妙萬物而為言也則雷行風疾火炎水潤莫不自然相與為變化故能萬物既成也

訂疑上章以歲功言說得流行此節以卦象言說不得運動變

化○推○移○

疏○艮○不○言○山○獨○舉○卦○名○者○動○撓○燥○潤○之○功○是○雷○風○水○火○至○于○攸○萬○物○始○萬○物○于○山○義○為○微○故○言○艮○而○不○言○山○也○

本義此去乾坤而專言六子云：訂疑位謂水火三句序謂動萬物六句

問前兩段說伏羲卦位後兩段自帝出乎震以下說文王卦位自神也者以下有兩段前一段乃文王卦位後段乃伏羲底恐夫子之意以為伏羲文王所定方位不同如此然生育萬物既如文王所次則其方位非如伏羲所定亦不能變化既成萬物

也。无伏羲底。做文王不出。恐文義如此說。較明白。朱子曰。是其
歸。却主在伏羲上。恁底說也好。○又曰。此兩段。却徐了乾坤着
一句神也者。妙萬物而為言者也。引起則乾坤在其中矣。且如
雷風水火山澤。自不可喚作神。神也者。乃其所以動所以撓者
是也。

張南軒曰。八卦各有所在也。而神則无在而无不。在八卦各有
為也。神則无為而无不為。
建安立氏曰。序六子之用。不及乾坤者。六子之用。皆乾坤之為
也。訂疑本楊龜山。

訂疑後天八卦乾坤與六子同例而主之以帝神者帝之妙用也何得以六子歸功于乾坤而以乾坤合而為神乎獨張南軒之說為可從耳

進齋徐氏曰伏羲八卦方位主造化對待之體而言文王八卦方位主造化流行之用而言對待非流行則不能變化流行非對待則不能自行

訂疑此似齊整好聽然先天固對待而起震而歷離兌以至于乾又自巽而歷坎艮以至于坤陰陽消長循環无端何嘗无流行變化之用乎後天固有流行之用然震木兌金離火坎水何

周易訂疑

卷十四 言卦

巽

正誼堂

嘗○无○對○待○之○體○乎○。上○章○以○歲○功○言○可○曰○流○行○。此○章○以○象○言○不○
可○以○流○行○言○也○。

蒙○引○燥○萬○物○者○莫○熯○乎○火○。即○日○以○暄○之○。改○日○為○火○。明○日○之○為○火○
也○。莫○潤○乎○水○。水○盖○雨○露○之○属○。先○天○止○言○雨○以○潤○者○。舉○其○最○也○。或○
者○不○察○以○為○日○用○之○水○。火○不○思○日○用○之○水○。火○只○可○用○于○萬○物○。既○
成○之○後○。而○非○變○化○成○萬○物○之○功○也○。此○處○水○與○澤○有○分○。雨○露○之○属○
自○天○而○下○者○。為○水○之○潤○。凡○地○中○之○水○。不○流○者○。皆○澤○也○。凡○一○草○一○
木○之○油○然○發○榮○者○。皆○得○土○中○水○氣○。

訂○疑○動○萬○物○。即○雷○以○動○之○也○。撓○萬○物○。即○風○以○散○之○也○。燥○萬○物○。即○

日○以○恒○之○潤○萬○物○即○雨○以○潤○之○也○但○彼○以○在○天○之○日○與○雨○言○此○
以○五○行○之○水○火○言○也○說○萬○物○亦○以○兌○之○德○言○但○兌○以○說○之○與○萬○
物○之○所○說○指○正○秋○之○時○言○天○道○也○此○指○川○澤○之○說○物○言○地○理○也○
近○有○以○正○秋○說○物○言○者○非○也○艮○不○言○山○者○見○疏○說○此○處○若○加○
兩○句○云○履○萬○物○者○莫○大○乎○天○載○萬○物○者○莫○大○乎○地○亦○說○得○但○于○
後○天○之○卦○位○无○所○取○故○去○乾○坤○而○專○言○六○子○耳○孔○子○文○字○正○不○
拘○也○

水○火○相○逮○一○段○諸○家○紛○々○皆○謂○仍○以○先○天○之○體○言○朱○子○本○義○既○
云○未○詳○其○義○則○姑○從○此○亦○似○可○聽○然○終○強○合○无○意○味○愚○謂○此○三○

句○正○指○後○天○之○卦○位○言○非○覆○舉○先○天○也○自○神○也○者○妙○萬○物○而○為○
言○者○也○至○莫○盛○乎○民○此○一○段○言○性○命○之○理○也○而○後○天○卦○位○離○南○
坎○北○為○水○火○相○逮○震○雷○巽○風○一○唱○一○隨○為○雷○風○不○相○悖○兌○西○艮○
東○北○為○山○澤○通○氣○所○以○能○變○化○既○成○萬○物○為○順○性○命○之○理○也○試○
詳○言○之○先○天○離○東○坎○西○固○為○水○火○不○相○食○後○天○離○南○坎○北○正○冬○
夏○之○位○非○唯○不○相○食○且○有○相○逮○之○妙○夏○火○王○之○時○也○而○大○雨○時○
行○是○水○逮○火○也○冬○水○王○之○時○也○而○井○泉○獨○溫○是○火○逮○水○也○以○人○
身○言○之○夏○則○身○涼○冬○則○身○熱○水○火○相○逮○之○故○也○以○日○用○言○之○夏○
日○飲○水○冬○日○飲○湯○亦○相○逮○之○意○也○陸○德○明○釋○文○音○義○作○水○火○不○

相逮又云鄭宋陸王肅王廙无不字先天震居東北巽居西南
兩隅相衝固為相薄之義後天震正東巽東南雷風相隨相助
是不相薄而相用如夫婦之唱隨者然是不相悖也先天艮居
西北兌居東南澤本于山發源于西北而注于東南固為山澤
通氣矣後天以艮居東北兌居正西似與先天相反者亦曰山
澤通氣何也嘗觀九州山川之國山起于雍州北條之山自華
山而東北為砥柱為析城為王屋為太行為恒山一帶迤邐山
勢不絕直至冀州東北碣石而入海是東北者山之尾也後天
以艮居東北究山之終也澤雖注于東南其源則發于西也後

天○以○兌○居○正○西○反○澤○之○所○自○始○也○山○之○所○在○澤○斯○發○焉○是○後○天○之○山○澤○雖○與○先○天○易○位○其○實○未○始○不○通○氣○也○雷○風○水○火○固○能○變○化○生○成○萬○物○山○澤○亦○未○始○不○然○也○觀○其○草○木○生○之○禽○獸○居○之○寶○藏○興○焉○龜○龍○蛟○龍○魚○鼈○生○焉○貨○財○殖○焉○可○知○矣○先○天○山○澤○通○氣○雷○風○相○薄○水○火○不○相○射○固○所○以○順○性○命○之○理○後○天○水○火○相○逮○雷○風○不○相○悖○山○澤○通○氣○亦○何○莫○而○非○所○以○順○性○命○之○理○哉○不○言○天○地○者○八○方○皆○有○天○地○不○可○以○方○位○拘○也○或○曰○山○澤○亦○處○有○之○不○止○正○西○為○澤○之○發○源○東○北○為○山○之○終○也○如○南○條○之○山○亘○于○荆○梁○徐○揚○何○獨○東○北○為○艮○曰○孔○子○胸○襟○活○據○所○見○所○居○見○禹○貢○導○

山○北○條○而○言○耳○豈○拘○上○哉○若○拘○上○豈○獨○春○有○雷○而○夏○有○風○南○有○
火○而○北○有○水○乎○動○萬○物○者○莫○疾○乎○雷○六○句○對○上○章○山○澤○通○氣○
雷○風○相○薄○水○火○不○相○射○而○言○性○命○之○理○也○是○故○水○火○相○逮○以○下○
對○上○章○八○卦○相○錯○一○句○而○言○後○天○之○卦○位○所○以○順○性○命○之○理○也○

右第六章

訂○疑○位○序○用○上○章○之○說○上○章○當○指○出○乎○震○章○而○言○不○當○指○天○地○
定○位○章○而○言○也○

乾○健○也○坤○順○也○震○動○也○巽○入○也○坎○陷○也○離○麗○也○艮○止○也○兑○說○也○
本○義○此○言○八○卦○之○性○情○朱○子○曰○伏○義○八○卦○只○此○數○畫○該○盡○萬○

物之理○謂之性○又謂之情○言其性如此○其發用處亦如此○
節齋蔡氏曰○乾純陽剛○故健○坤純陰柔○故順○震坎艮陽卦陽生
于二陰之下○則剛而進○故動○在二陰之中○則剛為陰所溺○故陷
出二陰之上○雖剛亦无所往矣○故止○巽離兌為陰卦○陰在二陽
之下○以順而伏○故入○在二陽之中○以順而附○故麗○在二陽之上
以順而見○故說○

蒙引性情二字要分明○八卦之理○各有動靜○如乾其靜也專○靜
時之健也○性也○其動也直○動時之健也○情也○諸卦皆然○
訂疑此○八卦通神明之德也○造化人事皆有之○性命之理也○八

卦有以通其德而類其情○所以順性命之理也○
臨川吳氏曰○自此以下○皆以陰陽純卦及初中終為序○又非上○
章先天後天之序也○

右第七章

訂疑以下五章○或取性情○或取諸物○或取諸身○或取諸家人○
子長幼之序○或取諸天地人物四時五行方色食貨○一以見作○
易者○仰觀俯察之精○一以見易之廣大悉備○一以見學者當以○
類推以為格物窮理盡性至命之功○一以示用易者觀物起卦○
即物占數之用○如觀梅數之例也○以下五章皆後天次序以○

其先乾坤而次六子也

乾為馬、坤為牛、震為龍、巽為雞、坎為豕、離為雉、艮為狗、兌為羊。
疏此一節說八卦畜獸之象畧明遠取諸物也。坤象地任重而
順故為牛。坎主水瀆豕處汙濕故為豕也。離為文明雉有文章
故為雉也。艮為靜止狗能善守禁止外人故為狗也。
本義遠取諸物如此。或問易之象朱子曰便是理會不得如
乾為馬而乾之象却專說龍如此之類皆不通。○易中占辭其
取象亦有來歷不是假說譬喻但今以說卦求之多所不通故
缺之或且從先儒之說耳

臨川吳氏曰健而行不息者馬也順而勝重載者牛也以動奮
之身而靜息于地勢重陰之下與地雷同其寂者龍也龍之潛
于淵底者重陰之處也
訂疑先儒說象多附會姑取一二可通者存之不盡錄也後倣
此

雲峯胡氏曰周公以乾為龍而夫子以為馬文王以坤為牝馬
而夫子以為牛或以一體取或以一爻取或以互變體爻取至
不可取則又取離之牝牛其鑒甚矣要之天地間萬物无非易
也又豈特此八物哉觸類而長之可也

坤○雅○云○牛○走○順○風○馬○走○逆○風○此○健○順○之○分○馬○蹄○圓○陽○之○奇○牛○蹄○拆○陰○之○耦○馬○之○卧○起○自○前○足○先○陽○後○陰○牛○之○卧○起○自○後○足○先○陰○後○陽○

說○統○龍○春○分○而○升○故○二○月○雷○始○發○聲○秋○分○而○潛○故○八○月○雷○始○收○聲○豕○水○畜○也○詩○曰○有○豕○白○蹄○烝○涉○波○矣○月○麗○于○畢○俾○滂○沱○矣○訂○疑○巽○為○雞○未○詳○巽○以○一○陰○伏○于○二○陽○之○下○能○伏○而○不○能○飛○宜○下○而○不○宜○上○其○取○此○乎○凡○鳥○之○能○伏○而○不○能○飛○者○皆○巽○之○類○也○凡○物○之○合○于○健○順○動○止○之○性○情○者○皆○是○也○可○以○類○推○其○不○可○強○通○者○缺○之○可○也○不○必○鑒○

右第八章

訂疑速取諸物所以順性命之理也

乾為首坤為腹震為足巽為股坎為耳離為目艮為手兌為口
疏此一節說八卦人身之象畧明近取諸身也乾尊而在上故
為首也坤能包藏含容故為腹也足能動故震為足股隨于足
則巽順之謂故為股也坎北方之卦主聽故為耳離為南方之
卦主視故為目艮既為止手亦能止持其物故為手也兌西方
之卦主言語故為口也訂疑主聽主視主言語本漢書五行傳
也

本義近取諸身如此

建安丘氏曰首會諸陽尊而在上腹藏諸陰大而容物足在下而動股兩垂而下又曰震陽動于下為足艮陽止于上為手手上而足下巽陰兩開于下為股兌陰兩拆于上為口口上而股下也

雲峯胡氏曰八卦近諸身如此要之一身之中无非易也又豈特此八者為然哉

俞玉吾曰水內影陽在內為耳之聰火外影陽在外為目之明

右第九章

訂疑取諸身順性命之理也

乾天也故稱乎父坤地也故稱乎母震一索而得男故謂之長男巽一索而得女故謂之長女坎再索而得男故謂之中男離再索而得女故謂之中女艮三索而得男故謂之少男兌三索而得女故謂之少女

疏此一節說乾坤六子明父子之道王氏云索求也以乾坤為父母而求其子也得父氣者為男得母氣者為女坤初求得乾氣為震故曰長男坤二求得乾氣為坎故曰中男坤三求得乾氣為艮故曰少男乾初求得坤氣為巽故曰長女乾二求得坤

氣為離故曰中女。乾三求得坤氣為兌故曰少女。

訂疑朱子小註用疏說又曰一索再索之說初間此不必拘立卦時也不

恁地只是畫成八卦後便見有此象耳。

本義索求也謂揲著以求爻也云云。朱子曰揲著求卦求得

一陽後面求得二陰便是震求得一陰後面二陽便是巽。

又曰看來不當主揲著說揲著有不依這序時便說不通大槩

又是坤求于乾而得震坎艮乾求于坤而得巽離兌一二三者

以其畫之次序言也。

訂疑若揲著有不依這序時則乾坤之策三百六十二篇之策

按父母長男長女一索得男一索得女等語人言性命

之理也。乾天、坤地、震巽坎離，故稱。故謂等字是就既有一八卦萬一千五百二十，亦有不依這老陽老陰之策數時矣。聖人只

後見有此象所以順性命之理也。

是大槩言道理耳。若依朱子乾坤相求之說，則八卦俱是畫卦時，一生二，二生四，四生八，再倍而成者，何用相求而生乎？

啟蒙原卦畫篇註云：坤求于乾，得其初九而為震，故曰一索而得男；乾求于坤，得其初六而為巽，故曰一索而得女。云々

訂疑此亦依疏中所錄王氏說。愚謂啟蒙之書先成本義，後來所定當依本義為主。且初九九二等名，是六爻之名，三畫之卦未有此名也。

蒙引蓋從前有為父為母長男中男少男長女中女少女之稱。

此則解其所以稱名之義也。附錄所謂得其初九九二九三初六六二六三者亦欠分曉。蓋主揲耆說則三畫之卦不當有初九九二等之稱。亦有揲得七八者將不以為男女乎。不主揲耆言則九六益无謂矣。

朱子又曰。八卦次序是伏羲底。此時未有文王次序。三索而為六子。這自是文王底名目。

訂疑朱子以三索六子是文王名目。今按咸睽革歸妹本義所以釋卦名者皆取長男中女少女少男之義。而睽革二卦彖傳釋卦名皆有二女同居之說是伏羲時已有此等名目矣。大抵

後○天○亦○非○文○王○所○定○當○伏○羲○畫○卦○時○只○有○乾○一○兌○二○離○三○震○四○
巽○五○坎○六○艮○七○坤○八○以○及○六○十○四○卦○乾○一○夬○二○以○至○剝○六○十○三○
坤○六○十○四○之○橫○圖○所○謂○先○天○之○易○止○此○一○圖○爾○至○于○規○為○圓○圖○
矩○為○方○圖○便○涉○人○為○矣○然○于○橫○圖○次○序○便○半○順○半○逆○了○若○夫○父○
母○六○子○之○次○序○又○是○一○變○了○出○震○齊○巽○又○是○一○变○了○上○下○篇○六○
十○四○卦○次○序○又○是○一○变○了○八○卦○先○天○後○天○之○圖○凡○七○大○抵○皆○伏○
羲○所○定○但○今○易○六○十○四○卦○次○序○則○不○可○知○為○何○人○所○定○耳○
說○統○一○索○再○索○三○索○盖○以○三○畫○自○下○而○上○之○次○序○言○大○抵○男○女○
分○于○所○得○之○陰○陽○少○長○列○于○所○得○之○先○後○原○二○老○既○尊○卑○之○有○

等○推○六○子○又○長○幼○之○有○倫○易○誠○正○名○定○分○之○書○乎○

訂疑此遇所

謂順性命之理也

蒙○引○乾○為○馬○章○取○諸○物○也○乾○為○首○章○取○諸○身○也○此○章○取○諸○人○倫○
也○合○而○觀○之○大○抵○皆○後○天○之○易○也○皆○聖○人○之○蘊○因○卦○以○發○者○也○
未○必○伏○義○盡○卦○時○一○一○要○成○象○伏○義○盡○卦○只○是○太○極○生○而○儀○而○
儀○生○四○象○四○象○生○八○卦○一○每○生○二○以○至○六○十○四○卦○耳○自○卦○既○成○
之○後○觀○之○則○有○為○馬○為○首○為○父○母○為○男○女○之○屬○也○
訂疑繫辭傳下篇陽卦多陰章當在此章之後

右第十章

乾為天為圜為君為父為玉為金為寒為冰為大赤為良馬為老馬為瘠馬為馵馬為木果

疏乾既為天天動運轉故為圜也為君為父尊其道而為萬物之始也為玉為金取其剛之清明也為寒為冰取其西北寒水之地也為大赤取其盛陽之色也為良馬取其行健之善也老馬取其行健之久也瘠馬取其行健之甚瘠馬多骨也馵馬言此馬有牙如鋸能食虎豹爾雅云鋸齒食虎豹此之謂也王虞云馵馬食虎取其至健也

訂疑鋸齒食虎豹之駁從交乃獸名如馬者汲冢周書王會解

云。正北方義渠以茲白。茲白者。若白馬。鋤齒。食虎豹。注。義渠西戎國。茲白一名駁。駁與駮音博。但駮乃外國異獸。夫子所廣八卦之象。大抵皆取尋常之物。人所恒見者。不合忽取遠方怪誕之物。側于其間也。今駮馬既與良馬老馬瘠馬為類。亦必人間服乘之馬耳。詩曰。皇駮其馬。是也。駮馬色不純者也。而于乾取義亦未詳。

程子曰。若此者。所謂類萬物之情者也。故孔子推明之曰。此卦于天文地理。則為某物。于鳥獸草木。則為某物。于身于物。則為某物。各以例舉。不盡言也。學者觸類而求之。則思過半矣。不然。

說卦所序何所求之

本義荀九家云

朱子曰荀爽有集九家易解十卷

蒙引九家蓋指漢淮南王安所聘九人明易者撰道訓二十篇
號九師易文中子所謂九師興而易道微者也荀爽後漢人荀
淑有子八人時人謂之八龍其第六曰爽字慈明時人言荀氏
八龍慈明无雙荀九家其集之名也○為龍者乾卦本義曰龍
陽物也本乾象也為直者其動也直也為衣者衣被一身猶乾
之覆物也為言者言者心之聲聲出于氣陽也胡致堂論雷電

有曰凡聲陽也。

訂疑衣員象天裳方象地。大傳曰黃帝堯舜垂衣裳而天下治。蓋取諸乾坤。言與行對。則言者輕清未形屬陽行者重濁有迹屬陰。

節齋蔡氏曰積陽為天陽動體為圜尊而在上為君。圓而在上為木果。

沙隨程氏曰為圜天之體也。為玉德粹也。為金堅剛也。訂疑金以堅剛上取之。固是竊恐亦從後天西北秋冬之交上取兌陰金乾陽金亦如巽為木震陽木巽陰木也。

園寒氷取象于天也。君父取象于人也。馬取諸動物也。金玉取于器用也。大赤取于方色也。木果取于草木也。有當與坤互見而省文者。當以例類推。乾為園則坤為方可知。乾為君父則坤為臣子可知。有當與坤對看者。天對地。父對母。金玉對布帛。大赤對黑。一乾馬也。而或良或老或瘠或駁何也。曰觀梅敷引此。有附于理不附于理之說。今以例推之。良者其附于理者也。老瘠駁其不附于理者也。附于理謂如秋金為王。夏李十八日金為相筮。乾而過此時則為得時。是為附于理也。不附于理如冬時金為

休夏時金為囚乾而遇此為失時是為不附于理餘卦可以類推觀梅雖小數然時有與易學相發明者故愚或取之

坤為地為母為布為釜為吝嗇為均為子母牛為大與為文為衆為柄其於地也為黑

疏地任生育故為母釜取其化生為熟也均取其地道均平也子母牛取其多蕃育而順也大與取其能載萬物也黑取其極陰之色也

進齋徐氏曰坤積于下故為地物資以生故為母動闢而廣故為布為均虛而容物故為釜靜翕而不施故為吝嗇性順故為

子母牛。摩而載物。故為大輿。坤畫耦。故為文。偶畫多。故為衆。純陰。故為黑。

南軒張氏曰。均者。其勢均平。而无偏陂者也。

臨川吳氏曰。布旁有邊幅。而中平廣也。柄。謂在下。而承于上。凡執持之物。其本着地者。柄也。黑土之色。有五。若坤之象。則于地為黑也。

融堂錢氏曰。吝嗇。至陰之性。女子小人。未有不吝嗇者。

訂疑布。取其柔也。○母衆。取于人也。子母牛。取于獸也。布。吝嗇大輿。柄。取于器用也。吝嗇。均文。取于性情也。黑。取于方色也。○有

可與乾互見者。坤為輿。則乾為蓋矣。坤為文。則乾為質矣。坤為柄。則乾為器之首矣。與乾可對觀者。見乾。均文附于理者也。否。否不附于理者也。

本義。荀九家云。蒙引。牝。取坤道資生也。與母同義。迷者。陰暗也。方者。地方也。囊者。虛而容物也。與釜同義。蒙者。居下體也。黃者。土正色也。帛者。質柔而平廣也。與布同義。漿者。太陰為水。其淡而順也。楚辭。九歌。首篇。奠桂酒兮椒漿。註。漿者。周禮四飲之一。小學句讀。漿。醋水也。問何不並言為酒。曰。水坎正象。酒則味釀矣。

震為雷為龍為玄黃為虜為大塗為長子為決躁為蒼筤竹為萑
葦其于馬也為善鳴為馵足為作足為的額其于稼也為反生其
究為健為蕃鮮

疏專取春時氣至草木皆吐虜布而生也大塗取其萬物之所
生也決躁取其剛動也蒼筤竹竹初生之時色蒼筤取其春生
之美也萑葦竹之類也善鳴象雷聲之遠聞也馵後足白為馵
作足取其動而行健也為的額白額反生取其始生戴甲而出
也其究究極也極于震則為健也鮮明也蕃鮮取其春生草木
蕃育而鮮明

張子曰陰氣凝聚陽在內者不得出則奮擊而為雷

節齋蔡氏曰陽動于下故為雷陰陽始交故為玄黃陽氣始施故為粲萬物畢出故為大塗動故為決躁陽在下故為鼻足為作足陰在上故為的顙的白也詩謂之白顙傳謂之的顙是也陽長必終于乾故其究為健

臨川吳氏曰乾坤始交而生震故兼有天地之色粲又作蕤與筆通花蒂下連而上分為花出也大塗一陽動于內而二偶開通前无壅塞也決躁陽生于下以決陰躁者陽之動也蒼深青色艮色之美蓋竹之筠也篠篠筆盧竹篠筆皆下本實而上幹

虛善爲者。陽在內。爲聲上畫。偶口開出聲也。作足。足超起。陽之健。

訂疑。蓍常較虛。四物也。較大于蓍。虛小于蓍。

雲峯胡氏曰。震爲坎躁。巽爲進退不果。剛柔之性也。○蒙引一過一不及也。

蒙引玉篇。鼻馬懸足也。謂鼻直伸一足而掣起。一足若懸之。亦謂陽動于下也。且其爲字。亦象形。此說優而可用。詩小戎。駕我騏驎。傳曰。馬左足白曰鼻。此難依。解。○萬物始生于震。未能蕃鮮。其究蕃鮮也。陽長必終于乾。其究爲健也。至于乾。則陽之盛。

矣。故又為蕃鮮也。須看其究二字。健以德言。蕃鮮以草木言。雲峯胡氏曰。震巽獨以其究言。剛柔之始也。

本義荀九家云。

勢引為王者。乾坤始交。剛柔合德也。訂疑。陽王鉉在上。剛柔節。

也。為鵠。鵠海鳥。其飛最疾。故射者盡以為的。按莊子。鵠不日浴。

而白。蓋白鳥也。為鼓者。陽動而有聲也。亦與雷同音也。

訂疑。雷取象于天也。大塗取象于地也。長子取象于人也。玄黃。

取于方色也。專決躁健。取于性情也。善鳴。鼻足。作足的額。取于。

獸也。蒼葭。竹葭。葭反生。蕃鮮。取象于草木也。○決躁。不附于理。

者也。可與坎艮反觀者。震為雷。則坎為雨。可知。震為長子。坎為中男。艮為少男。可知。有與地卦對觀者。大塗與徑路門闕對。長子與長女對。決躁與進退不果對。蒼莖反生。蕃鮮與科上稿。毀折對。

巽為木。為風。為長女。為繩直。為工。為白。為長。為高。為進退。為不果。為臭。其于人也。為寡髮。為廣顙。為多白眼。為近利市三倍。其究為躁卦。

疏長。取其風行之遠也。高。取風性高遠。又木生而上也。為臭。王肅取為香臭也。取其風所發也。顙。闕為廣顙。寡髮。故廣顙也多。

白眼。躁人之眼。其色多白也。

進齋徐氏曰。巽入也。物之入者。莫如木。氣之入者。莫如風。繩。糾木之曲而取直者。工引繩之直而制木者。巽德之制也。故為繩。直為工。陰性多疑。故為進退不果。陰伏于下。氣鬱不散。故為臭。髮。陰也。陽盛于上。為寡髮。二陽在上。為廣顙。

臨川吳氏曰。臭者。香。羶。腥。焦。朽之五氣。以眼言。白者為陽。黑者為陰。雖目上下白。而黑者居中。黑白相間。而均停。巽目上中白。而黑者在下。上白多于黑也。義理。陽也。利欲。陰也。震陽在內。義理主于內也。故一剛為主于內。為无妄。巽陰在內。利欲主于內。

也。故為近利。曰市三倍。猶詩言賈三倍。謂市物而得利三倍。近利之甚者也。

訂疑。乾為大赤。先天乾在南方之色。坤于地為黑。先天坤居北方之色。震為蒼筤竹。先天震東北之色。春色青也。巽為白。先天巽西南之色。秋色白也。臭有好惡。亦善人者。古者香亦曰臭。大傳曰。其臭如蘭。詩取蕭祭脂。註其臭達于牆屋。可見其善人矣。祀記。容臭香囊也。孟子鼻之于臭也。皆訓香義。但此所謂臭。則惡臭也。徐氏曰。陰氣鬱于下。是也。知其然者。以上文進退不果。下文寡髮廣顙多白眼。近利等為類。皆其不附于理者也。風取

象于天也。長女工寡髮廣顙白眼近利躁進退不果。取諸人也。木取諸草木也。繩直長高。取諸器用也。○風與雷日月電對。長女與長子中女少女對。白與蒼赤黑對。○工白長高附于理者也。進退不果以下皆不附于理者也。

坎為水為溝瀆為隱伏為矯輮為弓輪其於人也為加憂為心病為耳痛為血卦為赤其於馬也為美脊為亟心為下首為薄蹄為曳其於輿也為多眚為通為月為盜其於木也為堅多心。疏水北方之行也。隱伏取其水藏地中也。矯輮取其使曲者直為矯使直者曲為輮。水流曲直故為矯輮也。北方主聰聰勞則

耳痛也。血取其人之有血。猶地之有水也。為赤亦取其血之色。馬為美脊。取其陽在中也。于輿為多眚。取其表裏有陰。力弱不能重載。常憂災眚也。月取其是木之精也。堅多心。取剛在內也。岡氏彥升曰。坎一陽在內而明。二陰在外而暗。簡故為水。溝瀆所以行水。

進齋徐氏曰。內明外暗者。水與月也。坎內陽外陰。故為月為水。陽匿陰中。故為隱伏。為盜。太玄以水為盜。陰陽家以玄武為盜。以其皆屬北方之坎也。弓蓋二十八。所以蔽其車之上。輪輻三十六。所以載其下。弓與輪皆矯輳之所成也。陽陷陰中。故為加。

愛心耳皆以庄為體。坎中實則為病。為痛。三畫之卦。上畫為馬。額下畫為馬足。故坎中畫陽。故為美脊。巫心上柔。故為下。朋下柔。故為薄蹄。為曳。柔在下。不任重。故于與為多眚。坎維心亨。故為通剛在中。故于木為堅。多心。

訂疑。弓矢之弓。亦矯輮而成。但與輪為類。則弓蓋之弓也。

鄭氏正夫曰。火藏在心。坎水勝之。故為心病。水藏在腎。開竅于耳。而水在志為恐。恐則傷腎。故為耳病。

臨川吳氏曰。脊者外體之中心者。內藏之中。坎陽在中。故美脊心亟也。與為多眚者。謂在陰陷而多阻碍也。蓋行于陰道。不若

坤與之行于平地者○易且安也○

潘氏夢旂曰○通者水之性○月者水之精也○

說○統陽陷陰中○光彩不揚○在人則心術隱微○事幾藏伏○

本義○荀九家○有為宮○為律○為可○為棟○為叢棘○為狐○為蒺藜○為桎○

訂疑○宮可未詳○律者截竹為筩○陽氣在中○聲自內出也○大過四○
陽在內○有棟之象○坎象大過一陽亘于二陰之中○為棟之象也○
坎上六○冥于叢棘○困初六○困于株木○六三○棟于蒺藜○皆坎體○既○
濟未濟○解皆有孤象○以卦有坎也○狐亦獸之隱伏者也○桎○枯木○

之惡者○蒙初六用說桎梏○亦坎體也○

月取諸天也○水溝瀆取諸地也○隱伏通取諸性情也○加愛心病耳痛血赤盜取諸人也○馬之美脊亟心下首薄蹄曳取諸獸也○矯輮弓輪輿之多眚取諸器用也○堅多心取諸木也○有與他卦互見者○坎為隱伏○則知離為光明矣○有與離對者○弓輪輿甲冑戈兵對○月與日電對○堅多心與科上槁對○加憂以下除為通一句○皆不附于理者○

離為火為目為電為中女為甲冑為戈兵其於人也為大腹為乾卦為鼃為蟬為羸為蚌為龜其于木也為科上槁

疏火取南方之行也。日火精也。電取其明。似火之類也。甲冑取剛在外也。戈兵取剛在外。以剛自捍也。大腹取懷陰氣也。乾卦取其日所恒也。鼃、鼃、蟻、蜂、龜皆取剛在外也。科上槁。科空也。陰在內為空。木既空中者。上必枯槁也。訂疑先天以坎內明外暗。取象為水。以離外明內暗。取象為火。非以其南北方之卦也。離南坎北。自是後天因水火而置之。戈兵前為刃。後為鐔。戈柄底銳者。曲禮曰。進戈者前其鐔。是戈兵上下皆剛也。不取外剛自捍義也。有與他卦可反觀者。離為電。則坎為雲可知。離為中女。則坎為中男可知。離為鼃、蟻之

屬則坎為魚蠅之屬可知。離為乾卦。則坎為濕卦可知。有與坎對者。火與水對。日與月對。甲冑戈兵與弓輪對。人為大腹。乾卦不附于理者也。如附于理。則為文明矣。

艮為山。為徑路。為小石。為門闕。為果蓏。為闔寺。為指。為狗。為鼠。為黔喙之屬。其於木也為堅多節。

疏闢寺。取其禁止人也。指。取其執止物也。

臨川吳氏曰。闕者門之出入處。上畫連亘。中下二畫。雙峙而虛。似門闕也。果者木實。蓏者草實。乾純剛。故為木果。艮一剛在上。者木之果。二柔在下者草之蓏。鼠黔喙之屬。皆謂前剛也。黔與

鈇同以鈇持束物者、黔喙之屬、山居猛獸、齒牙堅利如鈇、能食生物者也。

平庵項氏曰、震為蕃鮮、為專、草木之始也。艮為果蓏、草木之終也。

開卦耿氏曰、周官閹人掌王宮中門之禁、止物之不當入者。寺人掌王之內人及宮女之禁令、止物之不得出者、皆為限于前而衛內之柔者也。

冷氏曰、鳥善以喙取物者、黔喙之屬也。

白雲郭氏曰、三陽卦艮獨不言馬者、其剛在上。所用益小。故于

獸畜无行健之功。徒有噬噬之象。○雲峯胡氏曰。艮不為馬者。艮上也。止之性。非馬也。

蒙引正韻。鈐與鉾通。若黔則黎也。黑也。鳥之喙。大槩皆黔。臨川謂與鈐通。未知何所本。恐冷氏之說。无所造作。百鳥之衆。不可枚舉。故統以之屬二字。臨川以為山居猛獸。意曰鼠曰狗。未足以盡其象。故更著此一句也。但勁以黔為鈐。可疑。

郭子和曰。艮之利則狗。害則鼠也。

說統鼠之剛在齒。鳥之剛在喙。皆謂前剛也。

訂疑艮本義。其象為山。取坤地而隆其上之狀。亦止于極而不

進之義也。震為大塗。艮為震反對。故為徑路。大壯九四本義。三
前有四。猶有藩焉。四前二陰。則藩決矣。又升九三以一陽進臨
于坤。為升虛邑。今艮前一陽。為徑路之義明矣。坎為盜。男之險
陷者也。艮為闢寺。男之賤末者也。咸艮有隨之象。旅有童僕之
象。兌為妾亦然。○山徑路門闕。取諸地也。闢寺。取諸人也。狗鼠
黔喙之屬。取諸鳥獸也。果蓏堅多節。取諸草木也。○有與諸卦
對觀者。山與澤對。徑路門闕與大塗對。果蓏與木果蒼莨竹蓰
常對。堅多節與堅多心蕃鮮科上槁對。狗鼠黔喙與龍馬牛羊
鼪鼯等對。闢寺與君父母盜妾對。指與腹口舌對。○有與他卦

互觀者。艮為闢寺。則知震為公侯大臣也。○闢寺不附于理者也。

本義荀九家云。○陳安卿說麻衣易以艮為鼻。朱子曰。鼻者面之山。晉管輅已如此說。○蒙引為虎者。齒牙猛利。剛在前也。為狼。取象與虎同。

訂疑諸本多作為狐。與坎同。似複。或亦取山居之獸。獸之有狐。亦如人之有闢寺乎。蒙引作狼。義勝于狐。然未審何本。

兌為澤。為少女。為巫。為口舌。為毀折。為附決。其於地也。為剛鹵。為妾。為羊。

疏巫取其口舌之官也。為口舌取西方于五事為言。口舌為言語之具也。毀折附決。兌西方之卦。又兌主秋也。取秋物成就。棄穉之屬。則毀折也。果蓏之屬。則附決也。剛鹵取水澤所停。則賦鹵也。為妻取少女從姊為娣也。

進齋徐氏曰。巫口舌之官。以口語說神者也。兌上拆口象。故為巫為口舌。金氣始殺。條枯實落。故為毀折。柔附于剛。剛乃決柔。故曰附決。陽在下為剛。柔在上為鹵。則鹵之地不能生物。鹵者水之死氣也。坎水絕于下。而澤見于上。則足以為鹵而已。蒙引其象為澤。又取坎水而塞其下流之象。朱子既有明訓。又

何別立說乎漢上朱氏謂坎兌一也坎壺為澤上決成川之說為妙。

本義荀九家云：○蒙引人情惟其所說則自不能已故常若有厭意則不能常也。輔頰亦口舌之類。訂疑澤剛鹵取諸地也。少女巫口舌取諸人也。羊取諸獸也。毀折取諸時也。附決取諸性情也。○有可互見者兌為妾則巽為嫡妃夫人矣。

右第十一章

本義此章廣八卦之象云：

沙隨程氏曰。八卦之象。八物而已。充其類。則百物不廢也。極其
說。則又可以類萬物之情。然說卦之象。有與卦爻相符者。如乾
為天。坤為地之類是也。有不與卦爻相符者。如乾坤稱龍而不
必在震坤也。稱馬而不必在乾之類是也。有見于卦爻而說卦
不載者。如漸之鴻。中孚之豚。魚之類是也。有見于說卦而卦爻
无之者。如布帛。蠶。蠃。蚌之類是也。若夫大琴。謂之離。少琴。謂之坎。
此見于他書。而易與說卦。又可以類推也。
雙湖胡氏曰。說卦之象。夫子自取為多。括前聖之例。為少。故求
之于經。不盡合也。

蒙引此類。在學者自以意會。又如乾于人物為君為父。則亦可為大人為長者為祖宗為賢人。皆尊貴在上之義也。于鳥獸為馬。則亦可為龍為虎豹犀象之類。以至凡獸之牡。凡鳥之雄。皆陽之性健者也。

卷之十四終